



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1658.

urn:nbn:de:hbz:466:1-29436

Hispani Gallis eripiunt Fanum S. Giffeni, Hispanis econtra Galli Fanum S. Venantii & Mommedium; Cameracum tamen frustra tentant, Condæo adhuc adversario eorum conatus egregiè retundente.

Doctrina Janseniana jussu Regis Christianissimi severissimis decretis à senatu Parisiensi cum suis Professoribus proscribitur.

Societas Jesu operâ summi Pontificis in Dominium Venetorum reducitur, & ab universo statu honorificentissimis singularis benevolentia significationib⁹ excipitur.

Cracovia recuperatur à Polonis ope Cæsarianorum.

ANNUS 1658.

Neapolitani accensuere hoc anno S. Franciscum Xaverium urbis suæ Patronis, quod præstitere eâ pompâ & magnificentiâ, ut vix quidquam simile Neapolis viderit.

Frankofurti mense Julio die 28. renuntiatus est Cæsar, Leopoldus Hungariæ & Bohemiæ Rex, eo majore gaudio & plausu eorum, quibus cordi fuit salus Imperii & incrementum Domûs Astriacæ, quo laboriosius ad hoc supremum orbis fastigium virtuti eluctandum fuit.

Accer-

Acerrimè hoc anno pugnatum inter Suecos & Danos, horumque fœderatos Batavos. In Suecorum potestatem cessit insula Fionia; Obsidionem tamen Haffniæ post profligatam suam classem in freto Sundico à navibus Batavis Danorum auxiliaribus cum clade incensis castris solvere coguntur.

Galli suæ ditioni adjiciunt partem non modicam Belgii cum Düinkercka, Grave-linga, Ypris, aliisque urbibus non ignobilibus.

Mense Septembri moritur in Anglia Cromvelius Gubernator magnæ Britanniaë relicto Successore, dignitatis filio Richardo.

Thorunum post cruentam sex mensium obsidionem à Cæsariano - Polonis ad dediti-
tionem cogitur.

Thomas Villanovanus Archi-Episcopus Valentinus 1. Novembr, à Papa Sanctorum cætui solenniter accensetur.

ANNUS 1659.

Iterum ab obsidione Haffniæ cum magnâ clade rejiciuntur Sueci mense Februario, à Danis, firmatis subsidio Cæsareo; Eiusdem ope ejiciuntur Sueci ex insula Fionia, quam anno elapso occupârant, ac fœde diripuerant.

Mense